

Vedtekter for kommunalt innovasjons- og utviklingsfond

1. FØREMÅL

Samnanger kommune sitt innovasjons- og utviklingsfond skal nyttast til å styrkje kommunen på følgande område:

- A) Tiltak og/eller prosjekt som kan føre til innovasjon og/eller utvikling innanfor den kommunale tenesteproduksjonen.
- B) Tiltak og/eller prosjekt som kan føre til innovasjon og/eller utvikling innanfor den generelle samfunnsutviklinga i Samnanger kommune.

Det er ikkje råd for utanforståande verksemdar eller aktørar å søkje stønad (tilskot/lån) frå fondet, men Samnanger kommune kan ta del i samarbeid med ulike aktørar om tiltak som kan finansierast ved bruk av fondet. Slike tiltak kan initierast av Samnanger kommune eller av andre.

2. KAPITAL

Fondet får tilført kapital på følgande vis:

- A) Hovudregelen er at fondet får tilført nye midlar kvart år i samband med kommunestyret si handsaming av årsrekneskapen.
- B) Ev. renter og annan avkastning på fondsmidlane skal tilbakeførast til fondet.

3. RAPPORTERING

Det skal rapporterast om aktiviteten i fondet i årsmeldinga til kommunen.

4. FONDSSTYRE

Kommunestyret er fondsstyre og har fullmakt til å disponere fondskapitalen til tiltak og prosjekt som er i samsvar med føremålet for fondet i storleiksorden kr. 100 001,- og oppover.

Rådmannen har fullmakt (er fondsstyre) til å disponere fondskapitalen til tiltak og prosjekt som er i samsvar med føremålet for fondet for samla sum inntil kr. 100 000,-. Rådmannen skal førtløpande gje melding til kommunestyret om delegerte vedtak som vert gjort.

Fondsstyret skal vurdere tiltak og/eller prosjekt med omsyn til forventningar knytt til føremålet. Det inneber at det må leggjast fram tilstrekkeleg grunnlagsdokumentasjon til at fondsstyret kan fatte avgjersle.

5. FORVALTNING

Plassering av fondsmidlane skal inngå i kommunen si samla kapitalforvaltning.

Stønad frå fondet kan gjevast som lån og/eller tilskot. Fondet kan finansiere kommunale prosjekt og/eller prosjekt som kommunen er del av.

Utlån frå fondet skal skje på vilkår med 3 månadars Nibor-rente med påslag 0,25 %. Nedbetalingstid vert fastsett av fondsstyret.

6. VEDTEKSENDRINGAR

Vedtektene kan berre endrast av kommunestyret.

Vedtektene vart vedtekne i kommunestyret saksnr: